

四庫全書

子部

# 欽定四庫全書

子部

御定淵鑑類函卷四百六

詳校官鴻臚寺少卿臣梁景陽

主事臣祁韻士覆勘

總校官進士臣繆琪

校對官中書臣王璣

謄錄監生臣陳煜

欽定四庫全書

御定淵鑑類函卷四百六

花部二

辛夷

紫荊

山茶

扶桑

蠟梅

繡球

素馨

茉莉

木香

玫瑰

迎春

凌霄

刺藤

餘醪

月季

金雀

辛夷一

增格物總論曰辛夷花木高數尺葉似柿而長初出如

筆正二月開花花落無子夏秋再著花而小紫苞紅燄

羣芳譜曰辛夷一名辛雄一名侯桃一名木筆一名

望春一名木房生漢中魏興梁州川谷樹如杜仲高丈  
餘初出枝頭苞長半寸尖銳如筆頭重重有青黃茸毛  
及開似蓮花而小如盞作蓮及蘭香有桃紅紫二色

辛夷二

增木筆

火燄

上見第一  
下見第四

衛公手植

員外家開

並見

第四

辛夷三

增色亂芙蓉

裴迪詩綠堤春草合王孫自留  
玩況有辛夷花色與芙蓉亂

始花已

落

杜甫詩辛夷始花亦已落況我與子非壯年

辛夷四

增詩唐李靖詩曰昔年將出谷今日對辛夷倚樹憐芳  
意攀條惜歲滋清陰須暫憩秀色正堪思只待揮金客  
殷勤泛酒卮 白居易詩曰紫粉筆含尖火燄紅胭脂  
染小蓮花芳情香思知多少惱得山僧悔出家 徐賁  
詩曰繡罷春衫出闥遲辛夷花下立多時內宮盡日無  
人到不省含羞怕見誰 韓忠獻詩曰辛夷吐高花衛

公曾手植根洗今已非不改舊時色平泉幾易主況乃  
刺史宅

增歌唐元稹歌曰問君辛夷花君言已斑駁不畏辛夷  
不爛開顧我筋骸官束縛縛遣推囚名御史狼籍囚徒  
滿田地明日不推緣國忌依然不得花前醉韓員外家  
好辛夷開時乞取三兩枝折枝爲贈君莫惜縱君不折  
風亦吹

紫荊一

增羣芳譜曰一名滿條紅叢生春開紫花甚細碎數朶  
一簇無常處或生本身之上或附根上枝下直出花花  
罷葉出光緊微圓花謝即結筴子

紫荊二

增山堂肆考曰昔田真兄弟三人和好庭前紫荊花敷  
榮茂盛一日兄弟分析花亦憔悴因感悟復同居共好  
花亦繁茂如故

紫荊三

增點綴春光

王敬美曰紫荆等項雖非奇本然足點綴春光

花下嘯黃鸝朱絳

詩曰紫荆花

下嘯黃鸝

山茶一

增格物總論曰有寶珠茶雲茶石榴茶海榴茶躑躅茶茉莉茶真珠茶串珠茶正宮粉賽宮粉一捻紅照殿紅千葉紅千葉白其中最佳者寶珠也 羣芳譜曰山茶一名曼陀羅樹高者丈餘低者二三尺枝幹交加葉似木樨硬有稜稍厚中闊寸餘兩頭尖長三寸許面深綠



光滑背淺綠經冬不脫以葉類茶又可作飲故得茶名  
花有數種十月間至二月有鶴頂茶大如蓮紅如血中  
心塞滿來自雲南故又曰滇茶有瑪瑙茶者紅黃白粉  
爲心大紅爲盤產自溫州 虞衡志曰南山茶葩萼大  
倍中州者色微淡葉柔薄有毛

### 山茶二

增滇豔

海

紅于若瀛曰滇南山茶有高二三丈者開至千朵稱絕豔矣

潛確類書曰新羅

國多海紅即淺紅山茶也

丹砂

赤玉

俱見第四

銀絲金粟

玉潔

冰寒

俱見第四

蒼枝老樹

勁節芳姿

曾子固詩曰蒼枝老樹昔誰種照耀

萬朵紅相圍

古詩曰勁節不推岷嶺雪芳姿偏愛建溪風

### 山茶三

增歲寒種

王梅溪詩曰道人贈我歲寒種不是尋常兒女花

耐久占春

曾表甫詩

曰惟有山茶殊耐久  
獨能深月占春風

### 山茶四

增詩宋蘇軾詩曰誰憐兒女花散入冰雪中堂中調丹

砂染此鶴頂紅

又曰游蜂掠掠粉絲黃荷葉猶收蜜

露香待得春風幾枝在年來殺菽有飛霜 又曰山茶

相對本誰栽細雨無人我獨來說似與君君不見爛紅

如火雪中開 又曰長明燈下石闌干常共松杉鬬歲

寒葉厚有稜犀角健花深少態鶴頭丹久陪方丈曼陀

雨羞對先生首肯盤雪裏盛開知有意明年歸後竟誰

看 劉克莊詩曰青女行霜下曉空山叢獨殿衆花叢

不知戶外千林縞且看盆中一本紅性晚每經寒始折

色深那愛日微烘人言此樹尤難養暮灌晨澆自課童

王十朋詩曰鶯聲老矣移雖晚鶴頂丹時看始佳雨  
葉鱗鱗成小蓋春枝豔豔著羣花 楊萬里詩曰樹子  
團團映碧岑初看喚作木樨林誰將金粟銀絲膾簇飣  
朱紅菜碗心春早橫招桃李妬歲寒不受雪霜侵題詩  
畢竟輸坡老葉厚有稜花色深

增賦宋黃庭堅白山茶賦曰稟金天之正氣非木果之  
匹亞乃得骨於崑閬非乞靈於中夏造物之手執丹青  
而無所用析薪之斤雖睥睨而常見救高潔皓白清修

閑暇

扶桑一

增格物總論曰扶桑高四五尺產南方枝葉扶疎葉深  
色光而厚微澀如桑花赤如葵五六出 羣芳譜曰有  
紅黃白三色紅者尤貴又有朱槿赤槿日及等名以此  
花與木槿相彷彿也 余皇日疏曰佛桑出嶺南枝葉  
類江南槿樹花類中州芍藥而輕柔過之開時當二三  
月間有深紅淺紅深紫淡紫數種

扶桑二

增蔡君謨曰明道中予爲漳州軍事判官晚秋至州西  
耕園驛庭有佛桑數十株開花繁盛念其寒月窮山方  
自媚好乃作耕園驛佛桑花詩一首明年夏四月自汀  
來漳復至是驛花尚仍舊追感昔游因紀前事併載舊  
篇龕於西壁

扶桑三

增燄燄燒空

蘇軾詩曰燄燄  
燒空紅佛桑

扶桑四

增詩晉楊方詩曰豐翹被長條綠葉蔽朱華因風吐微  
音芳氣入紫霞我心羨此木願徙著吾家夕得遊其下  
朝得弄其葩 宋蔡君謨詩曰使軺迢遞到天涯候館  
遷延感歲華白髮却攀臨砌樹青條猶放過牆花悲來  
惟有金城切醉後曾乘海客槎欲問昔遊無處所晚煙  
生水日沈沙 又曰溪館初寒似早春寒花相倚媚行  
人可憐萬木凋零盡獨見繁枝爛熳新清豔夜沾雲表

露幽香時過轍中塵名園不肯爭顏色灼灼天桃野水濱

蠟梅一

增羣芳譜曰小樹叢枝尖葉本身與葉類桃而闊大尖硬花五出雖盛開常半含名磬口次曰荷花又次曰九英又有開最先色深黃如紫檀花密香濃名檀香梅此品最佳 范成大梅譜云本非梅種以其與梅同時而香又近之也張翊花經曰一品九命蠟梅亦在其中洛



陽亦有蠟梅直九英耳人言蠟時開故以蠟名非也爲  
色正似黃蠟耳出自河南者名磬口色香形皆第一松  
江名荷花者次之本地狗纓下矣得磬口即荷花可廢  
何況狗纓 王敬美曰蠟梅原名黃梅故王安國熙寧間  
尚詠黃梅至元祐間蘇黃命爲蠟梅

蠟梅二

增來從真蠟國 落在空王家

並見第三

蠟梅三

增詩宋蘇軾詩曰天公點酥作梅花此有蠟梅禪老家  
蜜蜂採花作黃蠟取蠟爲花亦此物天公變化誰得知  
我亦兒嬉作小詩君不見萬松嶺上黃千葉玉蕊檀心  
兩奇絕醉中不覺度千山夜聞梅香失醉眠歸來却夢  
尋花去夢裏花仙覓奇句此間風物屬詩人我老不飲  
當付君君行適吳我適越笑指西湖作衣鉢 陳無已  
詩曰化工巧作細樣花何年落在空王家羽衣霓裳浣  
香蠟從此人間識尤物青瑣朱郎却未知天公下取仙

翁詩烏丸雞趾寫玉葉却怪寒花未清絕北風驅雪度  
關山把燭看花夜不眠明朝詩成公亦去長使詩仙誦  
佳句湖山洵美更須人已覺西湖屬此君坐想明年吳  
興越行酒賦詩聽擊鉢又曰一花香十里更值滿枝  
開承恩不在貌誰敢鬪香來又曰異色深宜晚生香  
故觸人不施千點白別作一家春又曰黃羅作廣袂  
絳帳作中單人間誰敢著留得護春寒又曰智瓊額  
黃且勿誇回眼視此風前葩家家融蠟作杏蒂歲歲逢

梅是蠟花世間真偽非兩法映目細看真是蠟我今嚼  
蠟已甘腴況此有韻蠟不如只愁繁香欺定力薰我欲  
醉須人扶不醉花前醉經月是酒是花君試別 黃庭  
堅詩曰金蓓領春寒惱人香未展雖無桃李顏風味極  
不淺 又曰體薰山麝臍色染薔薇露披拂不滿襟時  
有暗香度 又曰聞君寺後野花發香蜜染成宮樣黃  
不擬折來遮老眼欲知春色到池塘 晁補之詩曰未  
教落素混冰池且著輕黃綴雪衣越使可因千里致春

風原自不曾知 又曰恐是酴醾染得黃月中清露滴  
來香定知何遜牽詩興借與穿簾一點光 又曰茅簷  
竹塢兩幽奇岸幘尋花醉不知崖窰已成蜂已去夜寒  
惟有露房垂 王梅溪詩曰化工未幻荼蘼菊先放細  
梅伴羣玉幽姿著意慕鉛黃正色何心輕萼綠色含天  
苑鶯兒黃影蘸瀛波鴨頭綠日烘喜氣香觸鬚雨洗道  
裝鮮映肉

繡球一

增羣芳譜曰繡球木本皺體葉青色微帶黑而澀春月  
開花五瓣百花成朶團圞如球花有紅白二種

繡球二

增琢玉 團酥

俱見第三

繡球三

增詩明于念東詩曰春色變團姿虛亭裊煙霧綠萼間  
瓊朶團團低入戶一夜折繁枝淒淒風雨妬錯落水晶  
球苔痕雜委露凌晨發永歎躊躇傷延佇 楊吳峰詩

曰紛紛紅紫競芳非爭似團酥越樣奇料想花神閑戲  
擊隨風吹起墜繁枝又曰琢玉英標不染塵光含月  
影愈清新青皇宴罷呈餘技拋向東風輾轉頻

夾竹桃

增羣芳譜曰花五瓣長筒微尖淡紅嬌豔類桃花葉狹  
長類竹故名夾竹桃自春及秋逐旋繼開何无咎曰  
溫台有叢生者一本至二百餘幹

木槿一

增說文曰舜木槿也朝華暮落爾雅曰椴木槿櫬木

槿毛詩曰有女同車顏如舜華禮記曰仲夏之月

木槿榮玄中記曰君子之國地方千里多木槿之華

廣志曰日及木槿也羅浮山記曰木槿一名赤槿

花甚丹四時敷榮羣芳譜曰一名玉蒸一名朝茵一

名朝開暮落花木如李高五六尺多岐枝色微白葉繁

密如桑葉光而厚末尖而有極齒花五出有深紅粉紅

白色單葉千葉之殊自仲夏至仲冬開花不絕



## 木槿二

增開元遺事曰唐汝陽王璵嘗戴硃綃帽打曲上自摘紅槿花一朶置於帽上簷處二物皆極滑久之方安遂奏舞山香一曲而花不墜上大喜賜金器一廚曰花奴資質明瑩必是神仙中謫隨來也

## 木槿三

增似柰

篤論曰日及之花似柰

易生

抱朴子曰木槿楊柳斷植之更生倒之亦生橫之亦

生生之易者莫過於斯木也

無宿花

白樂天詩曰槿枝無宿花

調羹槿

黃山谷詩

曰吾聞調槿羹  
異味及枌榆

莊子悲

成相篇曰莊子  
貴支離悲木槿

華林園

晉宮

閤名曰華林園  
有木槿三株

木槿四

增詩唐白居易詩曰秋薜晚英無豔色何因栽種在人  
家使君自別羅敷面爭解回頭愛白花 李商隱詩曰  
風露淒淒秋景繁可憐榮落在朝昏未央宮裏三千女  
但保紅顏莫保恩 宋歐陽修詩曰晨日映簾生流輝  
種豔明紅顏易零落何異此花榮

增賦晉盧湛賦曰覽庭隅之嘉木莫朝華之可玩俯浸

潤於泉壤仰晞影於雲漢 傅咸賦曰覽中唐之奇樹

稟沖粹之至精應青春而敷蘂逮朱夏而誕英布天天

之纖枝發灼灼之殊榮紅葩紫蒂翠葉素莖含暉吐曜

爛若列星朝陽照灼以舒暉逸藻采粲而光明罄天壤

而莫儼何菱華之足營 羊徽賦曰有木槿之初榮藻

衆林而鬬色在青春而資氣逮仲夏以呈飾挹宵露以

舒采暉晨景而欲葩 夏侯湛賦曰咨神樹之修異實

積陽之純精蛻潛根以誕節據川壤以擢莖皎日升而  
朝華玄景逝而夕零逮明晨而繁沸若靜夜之衆星長  
莖攢起柔條列布濯靈柯於時雨滋逸采於豐露灼煌  
煌以煒煒獨崇朝而達暮於是茂樹蒼蒼纖枝翩翩潛  
光玉朗綠葉翠鮮 陳江總賦曰日及多名蕤賓肇生  
東方記乎夕死郭璞贊以朝榮潘文體其夏盛嵇賦憫  
其秋零此則京華之麗木非於越之舜英南中新草衆  
花之寶雅什未名騷人失藻雨來翠潤露歇紅燥疊萼

疑擎低莖若倒朝霞映日殊未妍珊瑚照水定非鮮千  
葉芙蓉詎相似百枝燈花復羞燃暫欲寄根對滄海大  
願移花廁綺錢井上桃蟲難可雜庭中桂蠹豈見憐乃  
爲歌曰啼妝梁冀婦紅妝蕩子家若持花並笑宜笑不  
勝花趙女垂金珥燕姬插寶珰誰知紅槿豔無因寄狹  
邪徒令萬里道攀折自咨嗟

增頌宋顏延之頌曰日御北至夏德南宣玉蒸榮心氣  
動上玄華縹間物受色朱天是謂珍樹含豔丹間

增序晉蘇彥序曰其爲花也色甚鮮麗迎晨而榮日中則衰至夕則零莊周載朝菌不知晦朔況此朝不及夕者乎苟暎采於一朝耀穎於當時焉識天壽之所在哉余旣翫其葩而歎其榮不終日 傅玄朝華序曰朝華麗木也 成公綏序曰日及者華甚鮮茂榮於仲夏訖於孟秋 潘尼序曰朝菌者蓋朝榮而暮落世謂之木槿或謂之日及詩人以爲舜華宣尼以爲朝菌其物向晨而結建明而布見陽而盛終日而殞不以其異乎何

名之多也 嵇含序曰草木春榮秋瘁此樹朝生暮落

瑞香一

增格物總論曰一名蓬萊紫一名風流樹 羣芳譜曰

一名露甲樹高三四尺許枝幹婆婆柔條厚葉者四時  
長青葉深綠色有楊梅葉有枇杷葉有荷葉者有球子  
者有攣枝者冬春之交開花成簇長三四分如丁香狀  
共數種有黃花紫花白花粉紅花二色花梅子花串子  
花皆有香惟攣枝花紫者香更烈攣枝者其節攣曲如

斷折之狀其根綿軟而葉光潤似橘葉邊有黃色者名金蓮瑞香枝甚繁體幹柔韌性畏寒又曰此花名麝囊瑞香二

增廬山記曰一比丘晝寢盤石上夢中間花香酷烈及覺求得之因名睡香四方奇之謂爲花中祥瑞亦名瑞香

瑞香三

增旖旎 纖穠 蘇雙溪詩曰尤物真旖旎下見第五 冠簷蔔 疑素



馨

上見第五

楊誠齋詩曰未折猶疑紫素馨

紫袖瓊膚

玉英金實

又曰

紫袖難染透瓊膚晒轉香

陶弼詩曰玉英金實碧淋漓

香囊錦傘

青蓋寶熏

上見第五

韓子蒼句云

著葉團青蓋開花炷寶熏

### 瑞香四

增一日見

知呂大防瑞香序曰予守成都公庭僧圃靡不有也予恐其沒於草中一日見知於時

殆與人事無異感而圖之

芳草

呂大防曰瑞香芳草也

### 瑞香五

增詩唐錢起詩曰得地移根速交柯繞指柔露香濃結

桂池影鬪蟠蚪黛葉輕筠綠金花笑菊秋如何南海外

雨露隔炎州

宋蘇軾詩曰幽香結淺紫來自孤雲岑

骨香不自知色淺意殊深移栽青蓮宇遂冠薝蔔林  
爲楚臣佩散落天女襟君持風霜節耳聆歌笑音一逢

蘭蕙質稍回鐵石心置酒要妍緩養花須晏陰及此陰  
晴間恐致慳濕霖綵雲知易散鵲鳩憂先吟明朝便陳  
迹試看丹青臨又曰上苑夭桃自作行劉郎去後幾  
回芳厭從年少追新賞開對宮花識舊香折贈佳人非

汎浦好紉幽佩弔沈湘鶴林神女無消息爲問何年返  
帝鄉 楊萬里詩曰外著朝霞綺中裁淡玉紗森森千  
萬筍旋旋兩三花小霽迎風喜輕寒索幙遮香中真上  
瑞蘭麝敢名家 又曰短短熏籠小團團錦帕圍浮陽  
烘酒思沈水著人衣茉莉通家遠椒花具體微春愁渾  
瘦盡別有瘦中肥 又曰織錦天孫矮作機紫茸翻了  
白花枝更將沈水濃熏却日淡風微欲午時 又曰夜  
綴香窠沐露華晝移翠斛馥窗紗將身扶起簾帷看生

怕簾帷挨著花 又曰侵雪開花雪不侵開時雪淺不

教深碧團圓裏筍成束紫蓓蕾中香滿襟別派近傳廬

阜頂孤芳元自洞庭心詩人自有薰籠錦不用衣篝炷

水沈 劉克莊詩曰一樹娑娑整復斜使君輒贈到田

家自慙甕牖繩樞子不稱香囊錦傘花小借煖風爲破

萼旋澆新水待抽芽丁寧兒子勤封殖留與甘棠一樣

誇 朱淑真詩曰玲瓏巧處紫羅裳令得東君著意妝

帶露破開宜曉日臨風微困怯春霜發揮名字來廬阜

彈壓芳菲入醉鄉最是午窗初睡醒重重贏得夢魂香  
迎春

增羣芳譜曰一名金腰帶人家園圃多種之叢生高數  
尺有一丈者方莖厚葉如初生椒葉而無齒面青背淡  
對節生小枝一枝三葉春前有花如瑞香花黃色不結  
實

凌霄一

增詩小雅曰苕之花芸其黃矣 格物叢話曰凌霄花

蔓生纏古木而上赤色有斑點開時面下 羣芳譜曰

一名紫葳一名陵苕一名女葳一名菱華一名武威一

名瞿陵一名鬼目處處皆有多生山中人家園圃亦栽  
之野生者蔓纔數尺得木而上即高數丈蔓間鬚如蝎  
虎足附樹上甚堅牢久者藤大如杯春初生枝一枝數  
葉尖長有齒深青色開花一枝千餘朵大如牽牛花頭  
開五瓣赭黃色有數點夏中深秋更赤八月結莢如豆  
角長三寸許子輕薄如榆仁如馬兜鈴根長亦如兜鈴

根

凌霄二

增本事集曰西湖藏春塢門前有二古松各有凌霄絡其上詩僧清順常晝卧其下子瞻爲郡一日屏騎從過之松風騷然順指落花覓句子瞻爲作木蘭花詞羣芳譜曰富鄭公居洛園中凌霄花無所附而特起歲久遂成大樹高數尋

凌霄三

增孤標

細葉

樂天詩曰擢秀挺孤標  
陽炯詩曰滿樹微風吹細葉

生迤地

憑高樹

杜子美詩曰古苔生  
迤地 下見第五

氣類固未合

縈纏

不自由

上見第五 曾子固詩曰固知  
臭味非相類其奈縈纏不自由

凌霄四

增透雲

蔣梅邊詩曰引  
蔓開花欲透雲

凌霄五

增詩宋曾文昭詩曰凌波體纖柔枝葉工託麗青青乳

松樹直幹遭蒙蔽不有嚴霜威焉能辨堅脆 梅聖俞



詩曰草木不解行隨生自有理觀此引蔓柔必憑高樹  
起氣類固未合縈纏豈由已仰見蒼蚪枝上發彤霞蕊  
層霄不易凌樵斧者誰子

增賦宋梅聖俞賦曰嗟兮此木幾歲幾年而至於合抱  
夫何此草一日一夕而遂曰凌霄

素馨一

增羣芳譜曰一名那悉茗花一名野悉密花來自西域  
枝幹裊娜似茉莉而小葉纖而綠花四瓣細瘦有黃白

二色

素馨二

增龜山志曰昔劉鋹有侍女名素馨冢上生此花因以得名

素馨三

增花穿弱縷

質備衆馨

章隱詩曰細花穿弱縷盤向綠雲鬟朱待制詩曰素質

如玉備衆馨

愛伴孤高

羞御鉛華

陳止齋詩曰羞將姿媚隨花譜愛伴孤高

上月評  
下見第五

# 素馨四

增郁郁盈盈

陳止齋素馨記曰素馨者香清而體白郁郁盈盈可掬可風

裨茗

陳白

沙素馨記曰以其能少裨於茗耳

香勝茉莉

王敬美曰素馨出閩廣者不甚香亦間攜至吾

地白者香勝於茉莉

# 素馨五

增詩明林鴻詩曰素馨花發暗香飄一朶斜簪近翠翹  
寶馬未歸新月上綠楊影裏倚紅橋楊慎詩曰金碧  
佳人隨馬妝鷓鴣林裏鬬芬芳穿花貫縷盤香雪曾把

風流老陸郎

茉莉一

增洛陽名園記曰一名抹厲王十朋作沒利洪景盧作  
末麗皆以己意名之 羣芳譜曰一名末利一名雪瓣  
一名抹麗謂能掩衆芳也 佛書翻譯名義云末利華  
曰鬘華堪以飾鬟也 格物叢詁曰葉面微皺無缺刻  
羣芳譜曰此花出波斯移植南海北土名柰晉書曰  
都人簪柰花則此花入中國久矣弱莖繁枝葉如茶而

大綠色圓尖夏秋開小白花花皆暮開其香清婉柔淑  
有草本者有木本者有重葉者惟寶珠小花最貴 潛  
確類書曰其芳香酷烈嶺外海濱恆多自宣和中名始  
著又有一種紅者但無香耳又有朱茉莉其色粉紅有  
千葉者初開時心如珠出自四川 南方草木狀曰那  
悉茗花與茉莉花皆移植於西域之國南海人愛其芳  
香競植之

茉莉二

增韻傳天竺

色照祇園

並見第四

穿用綵絲

鼓以風

輪

陸賈南越記曰彼處女子用綵絲穿花心以為首飾  
宋孝宗禁中避暑多植茉莉鼓以風輪清芳滿殿

冰姿

玉蕊

百氏集詩曰冰姿淡  
不妝下見第四

削玉團酥

調

冰弄雪

百氏集詩曰削玉團酥  
素淡妝下見第四

長伴荔枝來

較似

酴醾瘦

茉莉三

增花田地

鄭松窗詩曰廣州城九里曰花  
田盡栽茉莉詩曰九里花田地

暗香著人

蘇軾詩曰暗香  
著人簪茉莉

茉莉四

增詩宋楊萬里詩曰江梅去去木樨晚芝草石榴刺人  
眼茉莉獨立幽更佳龍涎避香雪避花朝來無熱夜涼  
甚急走山童問花信一枝帶雨折來歸走送詩人覓好  
詩 朱子詩曰曠然塵慮淨為對夕花明密葉低層幄  
水麝亂玉英不因秋露溼詎識此香清預恐芳菲盡微  
吟小砌行 又曰玉蕊琅玕樹天香知見薰露寒清透  
骨風定遠含芬爽致銷煩暑高情謝曉雲遙憐河朔飲

那得醉時聞 許梅屋詩曰荔枝香裏玲瓏雪來助長  
安一夜涼情味於人最濃處夢魂猶覺鬢邊香

木香

增羣芳譜曰灌生叢條有刺如薔薇有三種花開於四  
月惟紫心白花者爲最香他如黃花紅花白細朶花白  
中朶花皆不及

玫瑰一

增羣芳譜曰一名徘徊灌生細葉多刺薔薇莖短花亦



類薔薇色淡紫青莖黃蕊瓣末白燕中有黃者稍小於  
紫嵩山深處有碧色者

玫瑰二

增花史曰宋時宮中採花雜腦麝作香囊氣甚清香

玫瑰三

增有色有香

可食可佩

羣芳譜曰嬌豔芬馥有色有香  
王敬美曰玫瑰非奇卉

也然可食可佩

玫瑰四

增蛇珠不及

南海人諺云蛇珠千枚不及玫瑰

玫瑰五

增詩唐唐彥謙詩曰麝炷騰清燎鮫紗覆綠蒙宮妝臨  
曉日錦段落東風無力春煙裏多愁暮雨中不知何事  
意深淺兩般紅

刺藤

增羣芳譜曰灌生莖多刺葉圓細而青花重葉狀似玫  
瑰而大豔麗無香

# 酴醾一

增格物總論曰酴醾花藤身青莖多刺每一穎著三葉  
葉面光綠背翠多缺刻 羣芳譜曰一名獨步春一名  
百宜枝一名瓊綬帶一名雪纓絡一名沈香蜜友大朶  
千瓣香微而清本名荼蘼一種色黃似酒故加酉字

# 酴醾二

增羣芳譜曰唐時寒食宴宰相用酴醾酒 又曰召侍  
臣學士食櫻桃飲酴醾酒盛以琉璃盤和以香酪 又

曰大西洋國花如牡丹蠻中遇天氣淒寒零落凝結  
若甘露芬芳襲人夷女澤體膩髮香經月不滅五代時  
充貢名薔薇水 又曰范蜀公居許下造大堂名長嘯  
前有醑醑架高廣可容十客每春季燕客其下約曰有  
花墜酒中者浮一大白或笑語喧譁之際微風過之滿  
座無遺時號飛英會

醑醑三

增青條粉面

妙質繁香

並見第五

簇簇層層

盈盈點

點

梅聖俞詩曰簇簇霜葩密層層玉葉同  
古詩曰點點檀心小盈盈玉面嬌

梅蕊要同

韻

金沙莫效顰

晏元獻詩曰喚將梅蕊要同韻  
古詩曰說與金沙莫效顰

酴醾四

增玉立

張南軒詩曰玉  
立春深雪不如

壓架香

徐溪月詩曰白  
雪春深壓架香

四

鄰香

程金紫詩曰好  
風分散四鄰香

破鼻留春

宋景文詩曰析醒疑  
破鼻併豔欲留春

酴醾五

增詩梁元帝詩曰娼女倦春閨迎風戲玉除近叢看影

密隔樹望釵踈橫枝斜綰袖嫩葉下牽裾牆高攀不及

花新摘未舒莫疑插鬢少分人猶有餘 劉媛詩曰新

花臨曲池佳麗復相隨鮮紅同映水輕香共逐吹繞梁

尋多處窺叢見好枝今新猶恨少將故復嫌萎釵邊爛

熳插無處不相宜 唐李嶠詩曰曉啼朱露渾無力繡

簇羅裳不著行若綴壽陽公主額六宮爭肯學梅妝

白居易詩曰穠因天與色麗共日爭光剪碧排千萼研

朱染萬房乍見疑回面遙觀誤斷腸風朝舞飛燕雨夜

泣蕭娘桃李慙無語芝蘭遜不芳山榴何細碎石竹苦

尋常慙慘恨，闌避蓮羞近。葉藏怯教蕉，葉顛妬得柳。花狂豈可輕嘲詠，應須痛比方。  
宋蘇軾詩曰：茶蘼不爭

春寂寞，開最晚。青蛟走玉骨，羽蓋懸朱幃。不妝豔已絕，無風香自遠。淒涼吳宮闕，紅粉埋故苑。餘香入此花，千載尚悽惋。  
又曰：長憶故山寒食夜，野茶藤癸暗香來。分無素手簪羅髻，且折芳蕤浸玉醅。  
歐陽修詩曰：清明時節散天香，輕染鵝兒一摸黃。最是風流堪賞處，美人取作汜羅裳。  
黃庭堅詩曰：梅殘紅藥遲，此物共春

暉名字因壺酒風流付枕幃隊鈿香徑草飄雪淨垣衣  
玉氣晴虹發沈材鋸屑霏直知多不厭可忍摘令稀常  
恨金沙學顰時正可揮 又曰漢宮嬌額半塗黃肌骨  
濃薰鴛鴦香日色漸遲風力細倚闌偷舞白霓裳 又  
曰沈水衣籠白玉苗不蒙煎沸苦無聊煩君斫取西莊  
柳扶起春風萬萬條 又曰荼蘼一架最先來夾竹金  
沙次第栽濃綠扶疎雲對起醉紅撩亂雪先開 又曰  
肌膚冰雪薰沈水百草千花莫比方露溼何郎試湯餅



日熏荀令炷爐香風流徹骨成春酒夢寐宜人入枕囊  
輸與能詩王主簿瑤臺影裏踞胡牀 王梅溪詩曰風  
枝張雨蓋露臉汙何郎收拾歸醺醺芳枝韻更香 梅

聖俞詩曰京師三月茶蘼開高架交垂自爲洞素葉層  
層紫蕊香釀歸光祿春生甕東陌西阡走鈿車芳林廣  
圃飛朱鞢 蘇轍詩曰後圃茶蘼手自栽清於芍藥醖  
於梅舊來酒客今無幾三嗅馨香嬾舉杯 謝幼謙詩  
曰香雪支離半墜風柔條無奈不成叢阿蠻如許風流

骨打困秋千細雨中

月季一

增羣芳譜曰一名長春花一名月月紅一名鬪雪紅一名勝春一名瘦客灌生處處有之青莖長蔓葉小於薔薇莖與葉俱布刺花有紅白及淡紅者三色逐月一開四時不絕花千葉厚瓣

月季二

增人間春

天上物

百氏集曰人間不老春張耒詩曰月季抵應天上物

月李三

增詩宋景文詩曰羣花各分榮此花冠時序聊披淺  
深豔不易冬春慮真宰竟何言予將造形悟 蘇軾詩

曰幽芳本長春暫瘁如蝕月且將付造物未易料枯枿  
也知宿根深便作紫笋茁乘時出婉婉爲我煖栗烈先  
生早貴重妙論推英拔而今城東瓜不記召南爰陋居  
有遠寄小圃無闊躡還爲久處計坐待行年匝臘果綴  
梅枝春杯浮竹葉誰言一萌動已覺萬木活聊將玉蕊

新插向綸巾折 韓琦詩曰牡丹殊絕萎春風露菊蕭  
疎怨晚叢何似此花榮豔足四時長放淺深紅

金雀

增羣芳譜曰叢生莖褐色高數尺有柔刺一簇數葉花  
生葉旁色黃形尖旁開兩瓣勢如飛雀春初即開

御定淵鑑類函卷四百六

欽定四庫全書

御定淵鑑類函卷四百七

花部三

芙蕖

水仙

玉簪

鳳仙

嬰粟

麗春

剪春羅

剪秋羅

金盞

雞冠

山丹

沃丹

石竹

四季花

滴滴金

芙蓉

芙蕖一

增爾雅曰荷芙蕖其莖茄其葉蓮其本菰其花菡萏其  
實蓮其根藕其中葍葍中薏 廣雅曰菡萏芙蕖也  
古今注一名荷華一名水芝一名澤芝一名水花周

書數澤已竭即蓮掘藕 毛詩曰彼澤之陂有蒲與荷

又曰隰有荷花 毛詩義疏曰的可磨以為散如粟

飯輕身益氣令人強健又可為糜 管子曰五沃之土

生蓮 羣芳譜曰荷花一名水芙蓉葉圓如蓋色青翠

六月開花有數色惟紅白二色為多花大有至百葉者

芙蕖二

增拾遺記曰西王母見穆天子玉帳高會進萬歲冰桃  
千年碧藕又進素蓮一房百子 又曰關令尹喜生時

其家陸地生蓮花光發滿室 又曰漢武帝時海中有  
人叉角面如玉色美髭髯腰蔽榭葉乘一葉紅蓮長丈  
餘偃卧其中手持一書自東海浮來俄為霧所迷不知  
所之東方朔曰此太乙星也 又曰漢昭帝游柳池有  
芙蓉紫色大如斗花素葉甘香氣襲人其實如珠 南  
史曰王儉用庾杲之為衛將軍長史蕭緬與儉書曰盛  
府元僚實難其選庾景行泛綠水依芙蓉何其麗也時  
以入儉府為蓮花池 晉書曰遠法師居廬山東林寺

有白蓮花與陶靖節十八人同修淨土號白蓮社花  
史曰雍熙中君房寓廬山開先寺望黃石巖瀑水中一  
大紅葉泛泛而下僧取之乃蓮花一葉長三尺闊一尺  
三寸因分葉磨湯飲之香經宿不散又曰宋元嘉中  
蓮生建康額擔湖一莖兩花又樂遊苑池蓮同幹宋  
起居注曰泰始二年嘉蓮一雙駢花並實合樹同莖生  
豫州醴湖花史曰元嘉六年賈道子行荆上見芙蓉  
方發取還家聞花有聲尋得舍利白如真珠搜神記



曰無錫上湖陂丁初雨止見一少婦人著青衣戴傘呼  
之不得自投陂中是大蒼獺傘衣皆是荷花 南史曰  
齊東昏侯鑿金為蓮花貼地令潘妃行其上曰此步步  
生蓮花也 唐書曰張昌宗以姿貌見幸於則天楊再  
思語人曰人言六郎貌似蓮花正蓮花似六郎耳 天  
寶遺事曰太液池千葉白蓮開帝與妃子共賞指妃謂  
右右曰何如此解語花 華山記曰韓愈登華山蓮花  
峰歸謂僧曰峰頂有池菡萏盛開可愛其中又有破鐵

舟焉 酉陽雜俎曰大歷中高郵百姓張存以踏藕為業於陂中見旱藕稍大如臂掘之深二丈大至合抱以其不可窮遂斷之中得一劍長二尺色青無刃存不知為寶人有知者以十束薪易之其藕無絲 續世說曰房壽六月召客搗蓮花製碧芳酒 南史曰平安王子懋年七歲母病請僧醮禳有獻蓮供佛者懋祝曰若使阿姨獲祐蓮花竟齋如故七日齋畢花更鮮紅視罌中微有根鬚母病尋愈人以為孝之感 又曰孫德璉鎮

郢州合十餘船為大舫於中立亭池植荷芰良辰美景  
賓僚並集泛長江而置酒一時稱為勝賞 宋史曰宋

興國九年五月內出玉津園瑞蓮一盆示輔臣花與葉  
悉似合歡而生 拾遺記曰宋神宗時中貴采用臣鑿

後苑瑤津池成明日請上賞蓮花忽見萬荷蔽水乃一  
夜買滿京盆池沈其下上嘉其能 又曰歐陽修在揚

州會客取荷花千朵插畫盆中圍繞坐席命客傳花人  
摘一葉盡處飲酒 又曰歐陽修知潁州有官妓盧媚

兒姿貌端秀口中嘗作荷花香 又曰滄州金蓮花其  
形如蝶每微風時則搖蕩如飛婦人競採之為首飾語  
曰不戴金蓮花不得到仙家 又曰昆流素蓮一房百  
子凌冬而茂

笑渠三

增為衣

集裳

楚詞曰荷為衣兮蕙為帶 又集芙蓉以為裳

魚戲

龜游

古詩曰魚戲新荷上 龜  
策傳曰龜千歲游於蓮葉

涉江采

芣生

古詩曰涉江采

芙蓉 佛圖澄傳曰  
澄咒鉢中青蓮花生

紫飾

朱儀

俱見第二

同翰

駢

花

沈約宋書曰文帝元嘉三十一年樂遊苑池二蓮並幹下見第二

金房

珠寶

見上

第五 下

星懸

電發

俱見第五

兩花

千葉

並見第二

映月墀

濯玄瀨

俱見第五

芙蕖四

增芳氣竟谷

王歆之神境記曰九疑山半路清澗中有黃色蓮花芳氣竟谷

為媒

楚詞

因芙蓉而為媒

灵灵

又曰披荷稠之灵灵

出綠波

洛神賦曰灼若芙蓉出綠波

溢金塘

文選曰菡萏溢金塘

芙蕖五

增詩唐王昌齡詩曰摘取芙蓉花莫摘芙蓉葉將歸夫

壻看顏色何如妾 又曰荷葉羅裳一色裁芙蓉向臉

兩邊開亂入池中看不見聞歌始覺有人來 又曰輕

舸迎上客悠悠湖上來當軒對尊酒四面芙蓉開 韓

愈詩曰鑑湖三百里菡菡發荷花五月西施采人看隘

若耶 翠蓋臨風迴水華挹露鮮舞衣清縞袂倒影爛

珠纒 又曰太華峰頭玉井蓮開花十丈藕如船冷比

雪霜甘比蜜一片入口沈疴痊我欲求之不憚遠青壁

無路難黃緣安得長梯上摘實下種七澤根株連李  
白詩曰涉江弄秋水愛此荷花鮮  
扳荷弄其珠蕩漾不成圓佳期綵雲重欲贈隔遠天相思無由見悵望涼風  
前又曰碧荷生幽泉朝日艷且鮮秋花冒綠水密葉  
羅青煙秀色空絕世馨香竟誰傳坐看飛霜滿凋此紅  
芳年結根未得所願托華池邊又曰若耶溪邊採蓮  
女笑隔荷花共人語日照新妝水底明香飄紅袂空中  
舉岼上誰家遊冶郎三三五五映垂楊紫駟嘶入落花

去見此踟躕空斷腸

李紳詩曰綠荷舒卷涼風曉紅

萼開紫萼重雙女漢皋爭笑臉二妃湘浦並愁容自  
含秋露貞姿潔不曉春妖艷態濃終恐玉京仙子識却  
持歸種碧蓮峰 姚合詩曰芙蓉池裏葉田田一本雙

枝照碧泉濃麗共妍香各散東西分艷蒂相連自知政  
術無他異縱是禎祥亦偶然四野人聞知盡喜爭來入  
郭看嘉蓮 鄭谷詩曰移舟水濺差差綠倚檻風搖柄  
柄香多謝浣溪人未折雨中留得蓋鴛鴦 常倫詩曰



棹發千花動風傳一水香傍人持並蒂含笑打鴛鴦

朱超詩曰灼灼荷花瑞亭亭出水中一莖孤引綠雙影

共分紅色奪歌人臉香亂舞衣風名蓮自可念況復西

心同 宋歐陽修詩曰池面風來波艷艷陂間露下葉

田田誰於水上張青蓋罩却紅妝吐採蓮 楊萬里詩

曰紅白蓮花開共塘兩般顏色一般香恰如漢殿三千

女半是濃妝半淡妝 杜衍詩曰鑿破蒼苔漲作池芰

荷分得綠參差曉開一朵煙波上似畫真妃出浴時

元薩天錫詩曰斑簾十二卷輕碧秋水芙蓉隔畫闌綵  
房迎風霞透影錦袍弄月酒生寒湘魂翠袖留江浦仙  
掌紅雲濕露盤祗恐淮南霜信早絳紗籠燭夜深看  
增歌唐溫庭筠歌曰蘭膏墜髮紅玉春燕釵拖頸拋盤  
雲城邊楊柳向橋晚門前溝水波粼粼麒麟公子朝天  
客珂馬璫璫度春陌掌中無力舞衣輕剪斷鮫綃破春  
碧抱月飄煙一尺腰麝臍龍髓憐嬌嬈秋羅拂水碎光  
動露重花多香不銷鷓鴣交交塘水滿綠芒如粟蓮莖

短一夜西風送雨來粉痕零落愁紅淺船頭折藕絲暗  
牽藕根蓮子相留連郎心似月月未缺十五十六清光  
圓 王勃歌曰採蓮歸綠水芙蓉衣秋風起浪鳬雁飛  
桂棹蘭橈下長浦羅袞玉腕輕搖櫓葉嶼花潭極望平  
江謳越吹相思苦相思苦佳期不可駐塞外征夫猶未  
還江南採蓮今已暮採蓮花渠今那必在娼家官道城  
南把桑葉何如江上採蓮花蓮花復蓮花花葉何稠疊  
葉翠本羞眉花紅強似頰佳人不在茲悵望別離時牽

花憐共蒂折藕愛連絲故情無處所新物徒華滋不惜  
西津交佩解還羞北海鴈書遲採蓮歌有節采蓮夜未  
歇正逢浩蕩江上風又值徘徊江上月徘徊蓮浦夜相  
逢吳姬越女何丰茸共聞寒江千里外征客關山路幾  
重

增賦漢閔鴻芙蓉賦曰乃有芙蓉靈草載育中川竦修  
榦以凌波建綠葉之規圓灼若夜光之在玄岫赤若太  
陽之映朝雲 魏曹植賦曰覽百卉之英茂無斯華之

獨靈結修根於重壤泛清流以擢莖其始榮也皎若夜  
光尋扶桑其揚暉也晃若九日出暘谷芙蓉塞產菡萏  
星屬絲條垂珠丹榮吐綠焜焜韡韡爛若龍燭 吳蘓  
彦英賦曰偉芙蓉之菡萏耀煒燁之丹花舒紅采於綠  
沼映的皪於朱霞 晉孫楚賦曰有自然之麗草育靈  
沼之清瀨結根係於重壤森蔓延以騰邁爾乃紅花電  
發暉光曈曈仰曜朝霞俯照綠水潛緹房之奧密兮含  
珍藕之甘腴攢聚星列纖離相扶 潘岳賦曰偉元澤

之普衍嘉植物之並敷遊莫美於春臺花莫盛於芙蕖  
於是蕙風動冲氣和眇清池翫蓮花舒綠葉挺纖柯結  
綠房列紅葩仰含清液俯濯素波脩柯婀娜柔莖苒弱  
流風徐轉迴波微激其望之也曠若皦日燭崑山其即  
之也晃若盈尺映藍田 又賦曰蔭蘭池之豐沼育沃  
野之上腴課衆榮而比觀煥卓犖而獨殊押臘雲布啗  
咤星羅光擬燭龍色奪朝霞 夏侯湛賦曰臨清池以  
游覽觀芙蓉之麗華潛靈藕於玄泉擢修莖乎清波煥

然映照灼爾星羅若乃迴紫外散菡萏內離的出豔發  
葉恢花披綠房翠蒂紫飾紅敷黃螺圓出垂蕤散舒纓  
以金牙點以素珠固陂池之麗觀尊終世之特殊爾乃  
採淳葩摘圓質折碧皮食素實味甘滋而清美同嘉異  
乎橙橘參嘉果以作珍長充御乎口實 宋傅亮賦曰

考庶卉之珍麗實總美於芙蓉潛幽泉以育藕披翠蓮  
而挺敷汎輕荷以冒沼列紅葩而曜除徼旭露以滋采  
靡朝風而肆芳表麗觀於中沚播郁烈於蘭室在龍見

而萌秀於火中而結房豈呈芬於芷蕙將越味於沙棠  
詠三閭之被服美蘭佩而荷裳伊元匠之有瞻悅嘉卉  
於中渠既暉映於丹墀亦納芳於綺疏 鮑照賦曰感  
衣裳於楚賦詠憂思於陳詩訪羣英之艷絕標高名於  
澤芝青房兮規接紫的兮圓羅樹妖嫵之弱幹散菡萏  
之輕柯上星光而倒景下龍鱗而隱波戲錦鱗而夕映  
濯繡羽而晨過結游童之湘吹起艣妾之吳歌被碧塘  
之周流繞金渠之屈曲排積霧而揚芬鏡洞泉而含綠



葉折水而為珠條垂露而成玉潤蓬山之瓊膏輝蔥河  
之銀燭冠五華於仙草超四照於靈木 梁簡文帝賦

曰望江南兮清且空對荷花兮丹復紅卧蓮葉而覆水  
亂高房而出叢楚人暇日之歡麗人妖艷之質且棄垂  
釣之魚未論芳萍之實唯欲迴渡輕船共採新蓮傍斜  
山而屢轉乘洪流而不前於是素腕舉紅袖長迴巧笑  
墮明璫荷稠刺密亟牽衣而綰裳人喧水濺惜虧朱而  
壞裝物色雖晚徘徊未返畏風多而榜危驚舟移而花

遠歌曰嘗聞葉可愛採纈欲為裾葉滑不留緼心忙無  
假薰千春誰與樂惟有妾隨君 元帝賦曰紫莖兮文  
波紅蓮兮芰荷綠房兮翠蓋素實兮黃螺 昭明太子  
芙蓉賦曰色無列綵體繁衆號初榮夏芬晚花秋曜興  
澤陂之徽章結江南之流調 江淹賦曰蘂金光而艷  
色藕水拆而玉清載紅蓮以吐秀披絳華以舒英故河  
北擢歌之姝江南採菱之女春水廣兮揖潺湲秋風駛  
兮舟容與看縹芰兮出波擘絳簾兮映渚

增頌宋顏延之碧芙蓉頌曰澤芝芳艷擅奇水屬練氣  
紅荷比符縹玉擢麗滄池飛映雲屋實紀仙方名書靈  
躅

水仙一

增羣芳譜曰叢生根似蒜頭外有薄赤皮冬生葉如萱  
草色綠而厚冬間於葉中抽一莖莖頭開花數朶大如  
簪頭 山堂肆考曰世以水仙為金盞銀臺蓋單葉者  
其中似一酒盞深黃而金色至千葉者花片捲皺上淡

白而下輕黃不作杯狀 羣芳譜曰單葉者名水仙千  
葉者名玉玲瓏亦有紅花者 王敬美曰枸樓國有水  
仙樹樹腹中有水謂之仙漿飲者七日醉

水仙二

增清冷傳曰馮夷華陰人服水仙八石為水仙是名河  
伯 開元遺事曰唐明皇賜虢國夫人紅水仙十二盆  
盆皆金玉七寶所造 謝公夢一仙女畀水仙一束明  
日生謝夫人長而聰慧能吟詠 宋楊仲困自蕭山致

水仙一二百本極盛乃以古銅洗藝之學洛神賦體作

水仙賦

水仙三

增冰心粉色

金盞玉臺

孫齊之詩曰消盡冰心粉色  
微馬莊夫詞曰白玉為臺

金作盞

梅兄礬弟

薤葉蘭香

上見第四  
徐致中詩曰薤葉秀且聳蘭香細

而幽 緗裘縞衣

翠儀金相

陳去非詩曰仙人緗色裘  
縞衣以褱之  
陳止齋詩

曰粹然金玉相  
承以翠羽儀

持上紫宸殿  
流落野人家

山谷詩曰何時

持上紫宸殿  
又曰  
隨緣流落野人家

水仙四

增詩宋黃庭堅詩曰凌波仙子生塵襪波上盈盈步微  
月是誰招此斷腸魂種作寒花寄愁絕含香體素欲傾  
城山礬是弟梅是兄坐對真成被花惱出門一笑大江  
橫元倪瓚詩曰曉夢盈盈湘水春翠虬白鳳照江濱  
香魂莫逐冷風散擬學黃初賦洛神

玉簪一

增羣芳譜曰一名白萼一名鶴仙一名季女處處有之

宿根二月生苗成叢高尺餘莖如白菜葉大如掌圓而有尖面青背白葉上紋如車前七月初叢中抽一莖莖上有細葉十餘每葉出花一朵長二三尺本小末大未開時正如白玉搔頭亦有紫花者葉微狹花小於白者葉上黃綠相間名間道花

### 玉簪二

增羣芳譜曰漢武帝寵李夫人取玉簪搔頭後宮人皆效之玉簪花之名始此

玉簪三

增金釧買 玉盆移

並見  
第四

玉簪四

增詩唐羅隱詩曰雪魄冰姿俗不侵阿誰移植小窓陰  
若非月姊黃金釧難買天孫白玉簪 宋王安石詩曰  
瑤池仙子宴流霞醉裡遺簪幻作花萬斛濃香山麝馥  
隨風吹落到君家 黃庭堅詩曰宴罷瑤池阿母家嫩  
瓊飛上紫雲車玉簪墮地無人拾化作東南第一花



飯牛翁詩曰玉色磁盆綠柄深夜涼移向小窓陰兒童  
莫訝心難展未展心時正似簪

鳳仙一

增羣芳譜曰一名海納一名早珍珠一名小桃紅一名  
染指甲草人家多種之極易生二月下子隨時可種高  
二三尺莖有紅白二色葉長而尖似桃柳葉有鉅齒故  
又有夾竹桃之名開花頭翅羽足俱翹然如鳳故又有  
金鳳之名色紅紫黃白碧及雜色善變易有洒金者白

瓣上紅色數點又變之異者自夏初至秋盡開卸相續  
生子觸之即裂皮卷如拳故又有急性之名子似蘿蔔  
子褐色 花史曰鳳仙五月開主水

鳳仙二

增花史曰宋光宗李后小字鳳宮中避諱呼為好女兒  
花

鳳仙三

增菊婢 羽客

張宛丘呼為菊婢  
韋君呼為羽客

昂昂驤首

矯矯

展翎

上見第五  
劉原父  
詩曰矯矯翅翎展

鳳仙四

增顏色相鮮

張右史詩曰金鳳乃  
婢妾顏色徒相鮮

飛去秦樓

僧北澗  
詩曰飛

花只合秦樓去莫  
與金釵壓鬢蟬

得時自媚

徐漢月詩曰鮮鮮金  
鳳花得時亦自媚

綠芳紅芳

劉原父詩曰綠葉紛  
映階紅芳爛盈眼

鳳仙五

增詩宋晏殊詩曰九苞顏色春意動丹穴威儀秀氣攢

題品直須名最上昂昂驤首倚朱闌  
歐陽修詩曰憶

繞朱闌手自栽綠叢高下幾番開中庭雨過無人跡狼

籍深紅點綠苔 楊萬里詩曰細看金鳳小花叢費盡

司花染作工雪色白邊袍色紫更繞深淺四般紅 文

同詩曰花有金鳳為小叢秋色已深方盛發英英秀質

實具體文采爛然無少闕纖莖翩翩翠影動紅白紛亂

如點纈誰云脆弱易飄墮自卯至翼亦數月鋪茸剪彩

轉難似只把長條恣穿結常疑一似小兒花性命所係

不忍折君不見昨夜雨今朝風一隊驚飛返丹穴 元

楊維禎詩曰金鳳花開色更鮮佳人染得指頭丹彈箏  
亂落桃花瓣把酒輕浮玳瑁斑拂鏡火星流夜月畫睂  
紅雨過春山有時漫托香腮想疑是胭脂點玉顏 又  
曰金盤和露搗仙葩解使纖纖玉有瑕一點愁凝鸚鵡  
喙十分春上牡丹芽嬌彈粉淚拋紅豈輕掐花枝鏤絳  
霞女伴相逢頻借問幾番錯認守宮砂

罌粟一

增羣芳譜曰一名米囊花一名御米花一名米殼花青

莖高三尺葉如筒蒿花有大紅桃紅紅紫純紫純白一  
種而具數色又有千葉單葉一花而具二類實如蓮房  
其子囊數千粒大小如葶藶子

罌粟二

增妍好千態

王敬溪曰加意  
灌植妍好千態

馬前見

雍陶詩曰萬里  
客愁今日散馬

前初見  
米囊花

罌粟三

增詩宋謝幼槃詩曰鳥語蜂喧蝶亦忙爭傳天語詔花

王東君羽衛無供給探借春風十日糧 又曰鉛膏細  
細點花稍道是春深雪未消一斛千囊蒼玉粟東風吹  
作米長腰 又曰茶粒齊園剖罌子作湯和蜜味尤宜  
中年強飯邵丹石安用咄嗟成淖糜

增說宋蘓轍說曰罌小如罌粟小如粟與麥偕種與稭  
偕熟苗堪春菜實比秋穀研作牛乳烹為佛粥歎我氣  
衰飲食無幾食肉不消食菜寡味柳槌石鉢煎以蜜水  
便口利喉調肺養胃三年杜門莫適往還幽人納刺相

對忘言飲之一杯失笑欣然

麗春一

增羣芳譜曰罌粟別種也叢生柔幹多葉有刺根苗一類而具數色紅者紫者傅粉之紅者間青之黃者微紅者半紅者白膚而絳理者丹衣而素純者殷紅而染苗者江浙皆有金陵更佳

麗春二

增具體牡丹

比麗素柰

徐溪月詩曰具體牡丹惟歟  
香 晏元獻詩曰素柰發時



麗 俱比

金錢一

增羣芳譜曰一名子午花一名夜落金錢為改名金榜  
及第花花秋開黃色花朵如錢綠葉柔枝又有銀錢一種  
七月開以子種 風土記曰日開而夜落花時常在於  
秋梁大同中自外國進今在處皆有

金錢二

增酉陽雜俎曰梁豫川掾屬以雙陸賭金錢錢盡以金

錢花補之魚洪謂得花勝得錢 花史曰鄭榮常作此  
花詩未就夢一紅裳女子擲錢與之曰為君潤筆及覺  
探懷中得花數朵遂戲呼為潤筆花

金錢三

增雙陸相賭

九府難輸

上見第二  
買三秋景

百氏集曰能  
難供九府輸

價先五銖

圓殊半兩

上見第五  
殊秦半兩輕

百氏集曰厚重圓  
輕飄薄似漢三分

金錢四

增歛稜廓

格物叢話曰以金錢名言  
其形似也惟歛稜廓耳

# 金錢五

增詩唐皮日休詩曰陰陽為炭地為爐鑄出金錢不用  
模謾向人前逞艷色不知還解濟貧無 石懋詩曰名  
貴已居三品上價高仍在五銖先春來買斷深紅色燒  
得人心似火然

## 剪春羅

剪紅紗附

增羣芳譜曰一名剪紅羅蔓生二月生苗高尺餘柔莖  
綠葉似冬青而小對生抱莖入夏開深紅花如錢大凡

六出周迴如剪成結實如莖內有細子 又曰剪紅紗  
花高三尺葉旋覆夏秋開花狀如石竹花而稍大四圍  
如剪瓣結穗亦如石竹穗中有細子

剪秋羅

增羣芳譜曰一名漢宮秋色深紅花瓣分數岐八月間  
開有一種名剪羅花甚紅出南越又剪金羅金黃色

金盞花

增羣芳譜曰一名長春花莖高四五寸嫩時頗肥澤葉

似柳葉厚抱莖生甚柔脆花大如指頂瓣狹長而頂圓  
開時團團如盞子生莖端相續不絕結實萼內如小蟲  
又一種金盞草一名杏葉草蔓延籬下葉葉相對夏開  
花子如雞頭實

雞冠一

增羣芳譜曰有埽帚雞冠扇面雞冠纓絡雞冠有深紫  
淺紅純白淡紅四色又有一朵紫黃各半名鴛鴦雞冠  
又有紫紅粉白二色一朵者又有一種五色者最短名

壽星雞冠三月生苗入夏高者至五六尺短者纔五六寸葉青柔似白莧紅者莖赤黃白者莖青白花大有圍一二尺者最耐久霜後始薦苗 蘓子瞻詩話云短雞冠或云即玉樹後庭花

雞冠二

增花史曰宋時洛中謂雞冠花為洗手花中元節前兒童唱賣以供祖先

雞冠三

增紫冠黃鈿

赤玉丹砂

山谷詩曰紫冠黃鈿  
綠絲窠下見第四

雞冠四

增詩宋梅聖俞詩曰秋至天地閑百芳變枯草愛爾得  
雄名宛然出陳寶未甘階墀陋肯與時節老赤玉刻縑  
栗丹芝謝彫稿鮮鮮雲葉卷粲粲鳬翁好由來名實副  
何必榮華早君看先春花浮浪難自保又曰神農紀  
百卉五色異甘酸乃有秋花實全如雞幘丹籠煙何聳  
聳泣露更漙漙取譬可無意得名殊足觀通真歸造化

任巧即彫刻赤玉書留魏丹砂句誦韓誠能因造化誰  
謂入時難有客驅札穎臨風運筆端嘗嗟古吟闕每惜  
此芳殘揣情苦精妙繼音慙未安 楊萬里詩曰出牆  
那得丈高雞只露紅冠隔錦衣却是吳兒工料事會稽  
真箇不能啼 又曰陳倉金碧夜雙斜一隻今棲紀消  
家別有飛來矮人國化成玉樹後庭花

山丹一

增羣芳譜曰一名連珠一名紅花菜一名紅百合一名



川強瞿根似百合體小而瓣少可食莖亦短小葉狹長而尖似柳葉與百合迥別四月開花有紅白二種六瓣不四垂開至八月又有四時開花者名四季山丹結小子一種高四五尺如萱花花大如碗紅斑黑點瓣俱反捲一葉生子名回頭見子花又名番山丹一種高尺許花如硃砂茂者一幹兩三花無香

## 山丹二

增詩宋楊萬里詩曰花似鹿蔥還耐久葉如芍藥不多

深清晨瓦斛移山麓聊著書窓伴小吟

沃丹

增羣芳譜曰一名山丹一名中庭花花小於百合開花甚紅諸卉莫及故曰沃丹

石竹一

增羣芳譜曰草品纖細而青翠花有五色單葉千葉又有剪絨一云千葉者名洛陽花

石竹二

增嬌艷婢娟

羣芳譜曰嬌艷奪目婢娟動人

麝香眠

子美詩曰麝香眠石竹

繡羅衣

太白詩曰石竹繡羅衣

### 石竹三

增詩宋張耒詩曰真竹乃不花爾獨艷暮春何妨兒女  
眼謂爾勝霜筠世無王子猷豈有知竹人粲粲好自持  
時來稱此君 林逋詩曰所重晚芳聊在目可關秋色  
易為花深枝冉冉裝溪翠碎片英英剪海霞 王安石  
詩曰種玉亂抽青節瘦刻繒輕點絳花圓風霜不放飄

零落雨露應從愛惜偏 王旦詩曰麝香眠後露擅勻  
繡在羅衣色未真斜倚細叢如有恨冷搖數朵欲無春

四季花

增羣芳譜曰一名接骨草葉細花小色白自三月開至  
九月午開子落

滴滴金一

增羣芳譜曰一名夏菊一名艾菊一名旋覆花一名疊  
羅黃莖青而香葉青而長尖而無極高僅二三尺花色

金黃千瓣最細凡二三層明黃色心乃深黃中有一點  
微綠者小如錢亦有大如折二錢者所產之地不同也  
自六月開至八月苗初生自陳根出既則徧地生苗由  
花稍頭露滴入土即生新根故名滴滴金嘗斲地驗其  
根果無聯屬

滴滴金二

增詩宋謝幼槃詩曰滿庭黃色抑何深一滴梅霖一滴  
金莫使貪夫來見此聞名亦起覬覦心

芙蓉一

增山堂肆考曰一名木芙蓉一名木蓮一名拒霜 羣芳譜曰一名華木一名柝木一名地芙蓉有數種惟大紅千瓣白千瓣半白半桃紅千瓣醉芙蓉朝白午桃紅晚大紅者佳甚黃色者種貴難得又有四面花轉觀花紅白相間八九月間次第開謝寒而不落不結子 石林燕語曰芙蓉有二種出於水者謂之草芙蓉出於陸者謂之木芙蓉即木蓮也樂天詩曰水蓮開盡木蓮開

謂此 山居草堂記曰會稽之百葉木芙蓉鍾陵之同心木芙蓉

芙蓉二

增羣芳譜曰唐明皇以芙蓉花汁調粉作御墨曰龍香劑 石林燕語曰慶歷中有朝士將曉赴朝見美女三十餘人靚妝麗服兩兩並馬而行觀文丁度按轡於其後朝士驚曰丁素儉約何姬之衆耶有一人最後行曰觀文將宅眷何往曰非也諸女御迎芙蓉觀主耳俄聞

丁卒 成都記孟後主成都城上徧種芙蓉每至秋四十里如錦繡高下相照因名錦城以花染繒為帳名芙蓉帳 石林燕語曰許智老為長沙有木芙蓉二株可庇畝餘一日盛開賓客盈坐中有王子懷者言花朵不踰萬數若過之願受罰智老許之子懷因指所携妓賈三英胡錦鼎文帳以酬直智老乃命廝僕羣採凡一萬三千餘朵子懷褫帔納主人而遁 歐公歸田錄曰石曼卿去世後其故人有見之者云我今為仙主芙蓉城



欲呼故人共遊不諾忿然騎一素驢而去

芙蓉三

增春酣

秋豔

並見第五

魏園

唐苑

杜詩注曰芙蓉園魏文帝所開唐

地理志曰開元二年築夾城入芙蓉苑

樂天招客

智老罰賓

白樂天芙蓉下

招客飲詩曰晚景思飲兩三杯

浥露

弄霜

北山集曰池邊

幾簇木芙蓉浥露淒煙花更濃

低昂煙雨裏

殷勤霜露中

並見第五

美人醉

侍女妝

並見第五

芙蓉四

增丞相祠

石林燕語曰溫州江心寺文丞相祠中有木芙蓉盛開其本高二大餘幹圍四尺花幾百

朵

文官花

邛州有弄色芙蓉一日白二日淺紅三日黃四日深紅比落色紫人號為文官花

學道裝

戴石屏詩曰就中一本芙蓉別只染驚黃學道裝

延真館

韓子蒼詩曰舊

時憶在延真館玉作芙蓉院院明

芙蓉五

增詩唐王維詩曰木末芙蓉花山中發紅萼閉戶寂無

人紛紛開且落

柳宗元詩曰有美不自蔽安能守孤

根盈盈湘西岸秋至風霜繁麗景別寒水濃芳委前軒

菱荷料難比反此生高原

又曰新亭俯朱檻嘉木開

芙蓉清香晨風遠潏彩寒露濃瀟洒出人世低昂多異  
容嘗聞色空喻造化難為工留連秋月晏迢遞來山中

韓愈詩曰新開寒露叢遠比水邊紅豔色寧相妬嘉

名偶自同採江秋節晚寒木古祠空須勸勤來看無令

便逐風 李靖詩曰玉女襲朱裳重重映皓質晨霞耀

丹景片片明秋日蘭澤多衆芳妍姿不相匹 陸龜蒙

詩曰閒吟鮑昭賦更起屈平愁莫引西風動紅衣不耐

秋 宋歐陽修詩溪邊野芙蓉花水相媚好半看池蓮

盡獨伴霜菊槁 又曰湖上野芙蓉含思秋脈脈娟娟

如靜女不肯傍阡陌詩人杳未來幽豔冷難宅 又曰

芳菲能幾時顏色如自愛鮮鮮弄霜曉裊裊含風態蕙

蘭殞秋香桃李媚春醉時節雖不同盛衰終一致莫笑

黃菊花籬根守憔悴 又曰種處雪消春始凍開時霜

落鴈初過誰栽金菊叢相近織出新番蜀錦窠 蘓軾

詩曰千林掃作一番黃只有芙蓉獨自芳喚作拒霜知

未稱看來却是最宜霜 宋景文詩曰皓露侵湘蘂尖

風獵絳英繁霜不可拒切勿受空名 又曰江南江北

樹秋至僅成叢向晚誰爭豔酡顏淺作紅 梅聖俞詩

曰玉蘂拆蒸栗金房落晚霞涉江從楚女採菊聽陶家


王安石詩曰水邊無數木芙蓉霜滴胭脂色未濃正

是美人初醉著強擡青鏡照妝慵 劉克莊詩曰湖上

秋風起擢歌萬枝映柳更依荷老來不作繁華夢一樹

池邊已覺多 楊萬里詩曰紅芳曉露濃綠樹秋風冷

共喜巧回春不妨閑弄影 又曰染露金風裏宜霜玉  
水濱莫嫌開最晚元自不爭春



御定淵鑑類函卷四百七